

Minnisblað

Vegna umsóknar Framsýnar um stofnum grunnskóla á unglíngastigi í Hafnarfirði

Samkvæmt grunnskólalögum nr. 91/2008 getur ráðherra viðurkennt grunnskóla sem rekinn er af öðrum en sveitarfélögum í formi sjálfseignarstofnunar eða hlutafélags eða samkvæmt öðru viðurkenndu rekstrarformi enda liggja fyrir samþykki sveitarfélags um stofnun skólans. Heimilt er að binda samþykki sveitarfélags við ákveðinn hámarksfjölda nemenda.

Um slíka grunnskóla gilda sömu lög og reglur og um grunnskóla á vegum sveitarfélaga. Þar á meðal skal af hálfu viðkomandi skóla fylgt ákvæðum stjórnáskilanna við töku ákvarðana sem kæránlegar eru skv. 47. gr. Það á þó ekki við um ákvarðanir um gjaldtöku.

Í reglugerð nr. 699/2012 er fjallað nánar um viðurkenningu grunnskóla sem reknir eru af öðrum en sveitarfélögum. Í 3. gr. segir að skilyrði þess að grunnskóli hljóti viðurkenningu er að starfsemi hans og starfsaðstaða sé í samræmi við gildandi lög og reglur um grunnskóla, eftir því sem við á.

Heimilt er að veita viðurkenningu grunnskóla í fyrsta sinn til tveggja ára og síðan ótímabundið, enda liggja fyrir upplýsingar frá skólanum um starfsemi hans. Skal sérstakt vottorð gefið út um viðurkenninguna og er hún bundin við þann skóla sem ábyrgðaraðilinn fær viðurkenningu fyrir. Verði skólanum fundið annað húsnæði eða árgöngum fjölgað skal ábyrgðaraðili fyrst leita afstöðu viðkomandi sveitarfélags gagnvart því og síðan samþykkis ráðuneytisins. Hætti ábyrgðaraðilinn rekstri tímabundið og hefjist starfsemi skólans ekki innan tveggja ára frá veitingu viðurkenningar, er ráðherra heimilt að fella viðurkenninguna úr gildi og þarf þá að sækja um hana að nýju.

Umsókn um viðurkenningu grunnskóla samkvæmt reglugerð þessari skal berast ráðuneytinu fyrir 1. febrúar vegna skóla sem hyggjast taka til starfa á komandi skólaári.

Í umsókn um viðurkenningu grunnskóla skulu fylgja gögn og upplýsingar um eftirfarandi:

- a. Upplýsingar um eiganda og ábyrgðaraðila skólans.
- b. Upplýsingar um rekstrarform skólans, fjármögnun hans og rekstraráætlun.
- c. Samþykki sveitarfélags um stofnun skólans og fjárframlaga til hans.
- d. Gögn sem lýsa markmiðum, innihaldi og skipulagi náms skólans í samræmi við lög um grunnskóla og aðalnámskrá grunnskóla, þ.m.t. skólanámskrá, starfsáætlun viðkomandi grunnskóla, skipulagsskrá eða samþykktir um skólann.
- e. Gögn um húsnæði skólans og lýsing á starfsaðstöðu, sbr. reglugerð um gerð og búnað grunnskólahúsnæðis og skólalóða.
- f. Lýsing á stjórn og skipulagi skólans og með hvaða hætti staðið verði að stofnun og starfrækslu skólaráðs.
- g. Upplýsingar um væntanlega stjórnendur skólans og hæfniskröfur sem gerðar eru til starfsmanna hans.
- h. Yfirlýsing ábyrgðaraðila um að sveitarstjórn og mennta- og menningarmálaráðuneyti verði veittar upplýsingar um skólahald og starfsemi skólans, og breytingar sem á því kunna að verða, á hverjum tíma.
- i. Staðfest afrit af starfsleyfi heilbrigðiseftirlits sveitarfélags og vottorð bruna- og eldvarnareftirlits á vegum sveitarfélaga og vinnueftirlits þarf að berast ráðuneytinu mánuði fyrir áætlaða skólabyrjun.
- j. Þegar um er að ræða umsókn um viðurkenningu grunnskóla eða námsbrautar innan almenns grunnskóla sem hyggst starfa eftir viðurkenndri erlendri eða alþjóðlegri námskrá og námsskipan þá skulu fylgja sambærilegar upplýsingar og kveðið er á um í þessari grein. Auk þess skal koma fram í umsókninni rökstuðningur fyrir tilteknum undanþágum frá lögum um grunnskóla, aðalnámskrá og gildandi lögum um menntun og ráðningu kennara og skólástjórnenda við leikskóla, grunnskóla og framhaldsskóla.

Að fenginni viðurkenningu ráðherra skal hlutaðeigandi sveitarstjórn gera þjónustusamning við rekstraraðila grunnskóla sem falla undir þessa reglugerð. Í þjónustusamningi skulu m.a. koma fram atriði er varða innritun nemenda og áherslur í starfsemi skólans og fjárhagsleg samskipti, þar með talið vegna nemenda með sérþarfir og nemenda með annað móðurmál en íslensku. Í samningi skal einnig ganga frá fyrirkomulagi sérfræðiþjónustu og skólaaksturs, ef við á. Í samningi skal koma fram hvort rekstraraðili hafi heimild til gjaldtöku af foreldrum eða forsjáraðilum barns og hvaða skilyrðum hún sé háð. Kveða skal á um atriði sem varða gildi samnings, þar á meðal um reynslutíma og mat og eftirlit sveitarfélags með starfsemi skólans og upplýsingagjöf um skólahaldið og réttindi og skyldur samningsaðila til að tryggja lögbundna þjónustu við nemendur. Loks skal í þjónustusamningi kveðið á um meðferð rekstrarafgangs af starfsemi skóla sem rekja má til opinberra fjárveitinga. Rekstrarafgangur af starfsemi skólans sem rekja má til opinberra fjárveitinga sé nýttur til að efla skólastarfið í viðkomandi skóla.

Fjárhagshlið:

Grunnskólar sem hljóta viðurkenningu eiga rétt á framlagi úr sveitarsjóði til starfsemi sinnar vegna nemenda sem eiga lögheimili í því sveitarfélagi sem skólinn starfar í. Skal framlagið nema að lágmarki 75% af vegnu meðaltali heildarrekstrarkostnaðar allra grunnskóla sem eru reknir af sveitarfélögum í landinu á hvern nemanda skv. árlegum útreikningi Hagstofu Íslands.

Sótt er um fyrir 120 nemendur í 8. – 10. bekk og gert ráð fyrir að á fyrsta skólaári verði 60 nemendur og á öðru skólaári verði þeir 90 og haustið 2017 og áfram verði nemendur 120.

Lágmarksgjald vegna hvers nemenda til skólans, 75% af vegnu meðaltali heildarrekstrarkostnaðar allra grunnskóla sem eru reknir af sveitarfélögum í landinu á hvern nemanda skv. árlegum útreikningi Hagstofu Íslands á verðlagi 2014, er 1.136.000 kr. á ári fyrir hvern nemanda. Reynsla sýnir að u.þ.b. 1/3 af þeirri upphæð sparast á móti vegna fækkunar bekkjardeilda í skólum bæjarins.

Möguleg þróun nemendafjölda

Bekkir	2015	2016	2017	2018	2019	2020
8. bekkur	25	30	40	40	40	40
9. bekkur	25	30	40	40	40	40
10. bekkur	10	30	40	40	40	40
Alls	60	90	120	120	120	120

Greiðslur til rekstraraðila á verðlagi 2014 í þús. króna (árið 2015 er miðað við 5 mán. starfstíma)

kr. ári	2015	2016	2017	2018	2019	2020
1.136	30.493	102.240	136.320	136.320	136.320	136.320

Þegar skóli hefur hlotið endanlega viðurkenningu ber sveitarfélaginu að greiða lágmarksupphæð með hverjum nemanda skólans sem á lögheimili í sveitarfélaginu og einu áhrifin sem unnt er að hafa á þá upphæð er að setja fjöldaviðmið í þjónustusamning.

Hafnarf. 09.01.2015

Magnús Baldursson